

GrønlandsBANKEN-imi ajunngitsorsianut politikki

GrønlandsBANKEN-ip ajunngitsorsianut politikianut ilaapput siulersuisut, qullersat aamma atorfillit, suliai aningaaseriviup isumannaassusaanut annertuumik sunniuteqartut (annertuumik aarlerinaateqartunik akuersisartut), kiisalu GrønlandsBANKEN-imi aningaaserivimmi atorfillit allat.

Ajunngitsorsianut politikimik siunertaavoq GrønlandsBANKEN-imi peqqinnartumik sunniuteqartumillu aarlerinaatinik aqutsinissaq, kiisalu aningaaserivimmi aktiaatilinnut siunissaq ungasissoq eqqarsaatigalugu naliusumik pilersitseqataanissaq. Ajunngitsorsianut politikkip peqqinnartumik sunniuteqartumillu aningaasaqarnermik aqutsineq siuarsarpaa, aarlerinaatinik annertuallaanik tigusinnginnissamut kajumissaarutunik pilersitsinnginnikkut kiisalu sullitanut aktiaatilinnullu akornutaasumik kiisalu aningaaseriviup siunissaq ungasinnerusoq eqqarsaatigalugu pisariaqartitaani anguniagaanilu, aningaaseriviup niuernermit ilusiliami periusissiamilu nassuarneqartut illuinnarsiortumik aalajangiisannginnikkut. Tamatuma saniatigut ajunngitsorsianut politikkip aningaasersuinermik ingerlataqarneq pillugu inatsimmi § 77 a-d aamma akissarsiaritit aamma akissarsisitsisarneq politikki pillugu nalunaarut nr. 257, 14. marts 2017-imeersoq aamma CRR pillugu peqqussut kiisalu Corporate Governance pillugu innersuussutit eqqortippai. Ilanngullugu aningaaseriviup akissarsisitsisarnerata ataatsimoorussamik isumaqatigiissutigineqartut malissavai. Tamatuma saniatigut Kalaallit Nunaanni aningaasersuinermik ingerlataqarfinni akissarsisitsisarnerit pillugit paasissutissiinissamut pisussaataaaffiit atuuttut aamma Kalaallit Nunaanni ingerlatseqatigiiffiit pillugit inatsit atuuttoq malinneqarput.

Siunertaq pingaarneq

Ajunngitsorsianut politikkimmi siunertat pingaarnerit tassaapput:

- sulisut aamma siulersuisuni ilaasortat aamma qullersat piukkunnartut kajungertissallugit, kajumissaassallugit paariinnassallugillu,
- aqutsisoqatigiit soqutigisaasa aamma ingerlatseqatigiiffiup aamma aktiaatillit soqutigisaasa akornanni naapertuunnissaannik qulakkeerinninnissaq, aamma
- ingerlatseqatigiiffimmi siunissaq ungasissoq eqqarsaatigalugu naleqalersitsinissamik siuarsaaqataanissaq, taamaasillunilu ingerlatseqatigiiffiup niuernermit periusissiaanik tapersuulluni.

Ajunngitsorsianut politikki ingerlatseqatigiiffiup niuernermit periusissiaanut aamma siunissaq ungasissoq eqqarsaatigalugu soqutigisaanut taperseeqataavoq. Akissarsitiseriaaseq atorneqartoq, anguniakkanut ingerlatseqatigiiffiup periusissiaanut aamma politikkiinut siunnerfillisunut, matuma ataani peqqinnartumik suliffeqarfinni kultureqarnermut aamma attassisinnaanermi aarlerinaatinik ilanngussineq pillugu politikkimut atatillugu naatsorsorneqartarpoq. Aningaaserivimmi sulisut sulinermit aamma akissarsiatigut atugaat isumaqatigiissutinik attuumassuteqartunik isumaqatigiissuteqarnikkut isumagineqartarput.

Siulersuisut

Siulersuisunut allanngorartunik akissarsianik tunniussisoqarneq ajorpoq, akissarsianik, aktiaatinik, qinigassanik imaluunniit soraarnerussutisiaqalernissamut tapiissutinik. Siulersuisunut ilaasortat aalajangersimasumik akissarsisarput, taakkunanani siulersuisut siulittaasuat akissarsiat marloriaataannik tiguisarluni kiisalu siulittaasup tullia 1½-imik annertunerusumik tiguisarluni. Siulersuisunut ilaasortat immikkut tamarmik akissarsiaasa annertussusaat ukiumoortumik nalunaarummi takuneqarsinnaapput. Ataatsimiititaliani peqataanernut ataatsimiititalianut ilaasortat aamma aalajangersimasumik akissarsiaqarput. Aarlerinaatinut ataatsimiititaliami aamma kukkunersuinermut ataatsimiititaliami peqataanermut ataatsimiititaliami siulittaasoq marloriaammik akissarsisarpoq kiisalu siulittaasup tullia 1½-imik annertunerusumik akissarsisarpoq. Siulersuisunut ilaasortat ataatsimeersuarnermit toqqarneqarsimasut ukiut marlukkaarlugit qinerneqartarput, siulersuisunullu ilaasortat sulisunit toqqarneqarsimasut ukiut sisamakkaarlugit qinerneqartarput.

Qullersaqarfik

Qullersat isumaqatigiissut malillugu aalajangersimasumik isumaqatigiissutigineqartumik akissarsiaqarput aamma soraarnerussutisiassanik tiguisarlutik, ukiumoortumik akiliunneqarlutik feeriararlutik, akeqanngitsumik biileqartitaallutik, oqarasuaateqarlutik interneteqarlutillu. Qullersat atorfeqarnerminni qanoq ittunilluunniit allanngorartunik akissarsiaqarneq ajorput. Qullersat soraarnerussutisiassaatt procenti aalajangersimasuuvoq aalajangersimasumik akissarsiat 24%-eralugu, tassunga ilanngunneqassapput

ataani nassuiarneqartut soraarnermi/soraarnerussutisiassanut aaqiissutit akiliutinik tunngaveqartut. Soraarnerussutisianut pisussaaffiit tunniunneqartut aamma immikkoortinneqartut katillugit ukiumoortumik nalunaarummi takuneqarsinnaapput. Qullersat ukiup naanerani sivisunerpaamik atorfeqartinneqarsimassapput, Qullersat 62-inik ukioqalissapput.

Siulersuisut pisortaq isumaqatigiissuteqarfiginikuuat soraarnermi/soraarnerussutisiassanut aaqiissutit akiliutinik tunngaveqartut pillugit, taakku soraarnermi tunniussassanngortinneqarlutillu tunniunneqassapput. Allangorartumik akissarsitsisarnermik atorfeqartumik anguniarneqarpoq qullersat paariinnarneqarnissaasa kiisalu ingerlatseqatigiiffiup aalaakkaasuunissaanik siunissarlu ungasinnerusoq eqqarsaatigalugu soqutigisaanik nakkutiginninnissaannut kajumissaarnissaasa qulakkeernissaat. Soraarnermi/soraarnerussutisianut aaqiissutit akiliutinik tunngaveqartunik katersinnermut aamma tunniussinnermut pisinnaatitaaffimmut piumasaqaataapput, pisortap piffissani aalajangersimasuni atorfeqaannarnera kiisalu aningaaseriviup pingaarnertut angusai aningaaserivinnut angeqqatipajaanut sanilliullugit ingerlaavartumik aningaasaatit uuttuutigaligit tunngavigineqarlutik. Soraarnermi/soraarnerussutisiassanut aaqiissutit akiliutinik tunngaveqartut 50 pct.-ii aktiaapput 50 pct.-iilu aningaasallutik, qaammatinilu 0-24-ni akissarsiat annertussusaattut annertussuseqarsinnaallutik. Matuma saniatigut soraarsitsinnermi akissarsiat ilanngunneqassapput. Aaqiissummi immikkut piumasaqaammik claw back-imik ilanngussaqaarpoq. Naatsorsuutitigut maannakkorpiaq ukiumut akissarsiat ataatsimut 8%-iat aaqiissummut illuartinneqartarput. Soraarsitsinissamut siumoortumik ilisimatitsineq aningaaseriviup aamma qullersat tungaannit qaammatit 12-iupput, pisut immikkut ittut eqqarsaatiginagit ass. isumaqatigiissummik paarsinerlunnermi. Pisut change of control-it ilaannut atatillugu qullersat soraarsinneqartutut isiginissaa toqqarsinnaavaat.

Annertuumik aarlerinaateqartunik akuersisartut

GrønlandsBANKEN-imi annertuumik aarlerinaateqartunik akuersisartut ima nassuiarneqarput

- 1) suliffeqarfimmi immikkoortumi, aningaasaqarnikkut pigisanik niuruteqartartumi imaluunniit akuersissuteqartartumi aqutsisut,
- 2) suliffeqarfimmi immikkoortumi, suliffeqarfiup nammineq aningaasaataanik aningaasaliisarfiusumi aqutsisut,
- 3) sulisut aningaasaqarnikkut pigisat aqutugalugit suliffeqarfik sinnerlugu suliffeqarfiup aningaasaataanik annertuumik aarlerinaatilinnik akuersisinnaasut,
- 4) suliffeqarfimmi immikkoortumi, aarlerinaateqartunik akuersinnermut killiusunik malinninnermik nakkutiginnittumi aqutsisut, aamma
- 5) sulisut, suliffeqarfimmut annertuumik aningaasaatini aarlerinaatinik pilersitsisinnaasut.
- 6) aningaaseriviup nakkutiginninnermi immikkoortortaani aqutsisut

Sulisut, suliai aningaaseriviup isumannaassusaanut annertuumik sunniuteqartut (annertuumik aarlerinaateqartunik akuersisartut), allangorartunik akissarsianik tigusineq ajorput, soorlu makkunanga aktianik, qinigassanik imaluunniit soraarnerussutisiaqarnissamut tapiissutinik.

Kisiannili annertuumik aarlerinaateqartunik akuersisartut allangorartumik akissarsiatut tigusisinnaapput aningaasanik bonusisianik ukiumut annerpaamik 100.000 kr.-iusunik. Tunniussinissamut piumasaqaataapput ukiup ingerlanerani sulinerup annertussusaanik naliliineq, immikkut ittumik annertuumik suliaqarsimaneq, immikkut ittumik iluarisimaarnartumik tunniussaqaarsimaneq kiisalu immikkut ittumik aqutsinnermi tunniussaqaarsimaneq. Annertuumik aarlerinaateqartunik akuersisartunut aningaasanik bonusisariatit uuttoorneqarsinnaasunik eqquutsitsinerit assersuutigalugu tuniniaanermi imaluunniit ingerlatsinnermi inernerusunik naammassinninnermik tunngaveqarluni tunniunneqarneq ajorput, inernerusunullu attuumassuteqaratik.

Annertuumik aarlerinaateqartunik akuersisartut soraarnermi ajunngitsorsiasat pillugit immikkut isumaqatigiissuteqarfigineqanngillat, illua-tungeriinnili tamanit soraarnissamut nalunaarneq qaammatinik marlunnik sivitsorneqarnikuuvoq. Annertuumik aarlerinaateqartunik akuersisartut soraarnerussutisiassaataatsimut isumaqatigiissutit sinaakkutaasa iluani inissisimapput.

Sulisut allat

Bonusit missiliugaasut

GrønlandsBANKEN tamakkiisumik nalilersuereernikkut bonusinik missiliugaasunik tunniussisinnaavoq, bonusillu taakku annerpaamik 100.000 kr.-inik amerlassuseqarsinnaapput. Ataatsimut aningaaserivimmi

bonusinik missiliugaasunik tunniussisoqarsinnaavoq, aningaaseriviup ataatsimut akissarsiarititaasa 2%-iata tungaanut. Tunniussinissamut piumasaqaataapput ukiup ingerlanerani sulinerup annertussusaanik naliliineq, immikkut ittumik annertuumik suliaqarsimaneq, immikkut ittumik iluarisimaarnartumik tunniussaqaarsimaneq kiisalu immikkut ittumik aqutsinermi tunniussaqaarsimaneq, bonusillu uuttorneqarsinnaasunik eqquutsitsinerit assersuutigalugu tuniniaanermi imaluunniit ingerlatsinermi inernerusunik naammassinninnermik tunngaveqarluni tunniunneqarneq ajorput, inernerusunullu attuumassuteqaratik. Nakkutilliinermik suliaqartut, inatsisinik malitsinissamut suliaqartoq ilanngullugu, inissisimaffimmi aalajangersimasut iluanni pitsaanerpaamik inernerusunik tunniussinissamut akissarsitinneqartarput, taamaasillutik bonusit missiliugaasut sulisut kinaassusersiunnginnerat attuumassuteqannginnerallu kanngunarsassanngilaat. Bonusit missiliugaasut tamarmik "isit sisamat tunngavigalugit" tunniunneqartarput, tassani aqutsisoq qaninnerpaaq aamma qullersat bonusi tunniunneqartoq innersuussutigalugulu akuersissutigisarpaat.

Ataatsimoorussamik bonusinik aaqqiissut

GrønlandsBANKEN-imi sulisut sinnerinut tamanut ataatsimoorussamik kajumissaarummik aaqqiissummik pilersitsioqarnikuuvoq, tassani immikkoortut tulliuuttut iluanni nalinginnaasumik anguniakkat kisitsisaat tunngavigalugit tunniussineq pisarpoq: Sulisut, Inuiaqatigiit, Sulissutiginninneq, Sullitat aamma Aningaasaqarneq. Ataatsimoorussamik bonusinik aaqqiissummut tunngaviuvoq aningaaseriviup siunissaq ungasissoq eqqarsaatigalugu anguniagaanik ataatsimut iliuseqarnissamut aningaaseriviup sulisui katersornissai. Aaqqiissutit ataani aningaaseriviup ataatsimut akissarsiarititaasa annertunerpaamik 4%-ii tunniunneqarsinnaapput, sulisumullu ataatsimut 20.000 kr. sinnernagu. 2023-mut sulisunut immikkut tamanut tunniussineq kr. 14.000-iuvoq. Aaqqiissut ukiumut ataasiarlugu qaqinneqartarpoq.

Qulaani allassimasunut atuuttunut atatillugu, aningaaseriviup sulisunik, qularnaveeqquserluni imaluunniit allamik pigisamik aalaakkaasumik qularnaveeqqusiilluni siunnersuisartunik kiisalu tunniussisartunik imaluunniit akuersissuteqartartunik akissarsisitsisarnermut, aalajangiisoqarpoq, aningaaseriviup isumannaassusaa qaangerlugu aarlerinaatinik akuersinissamut kajumissaarissoqassanngitsoq. Tamatuma saniatigut akissarsisitsisarnermut ineqarnermut akiitsornernik imaluunniit tuniniaanermi anguniakkanut allanik qinnuteqaatinik akuersissuteqarnerup amerlassusai apeqqutaanngillat.

Ajunngitsorsianut ataatsimiititaliaq

GrønlandsBANKEN ajunngitsorsianut ataatsimiititaliamik pilersitsinikuuvoq, tassunga ilaasortaapput siulersuisuni siulittaasoq aamma siulittaasup tullia, kiisalu siulersuisunut ilaasortassatut sulisut toqqagaat.

Ajunngitsorsianut ataatsimiititaliap ukiumoortumik siulersuisut aamma qullersat ajunngitsorsiai misissorlugillu nalilersortarpaat, ilaatigut sulinerup annertussusaa aamma aningaaseriviit assersuunneqarsinnaasut ajunngitsorsiai aallaavigalugit. Ajunngitsorsianut ataatsimiititaliap nakkutigisarpaa annertuumik aarlerinaateqartunik akuersisartut akissarsiai ajunngitsorsianut politikkimik malinninersut. Inatsisitigut piumasaqaatit, niuernerme ilusiliap katitigaanera aamma aningaaserivimmi ineriartorneq tunngavigalugit, annertuumik aarlerinaateqartunik akuersisartunik allanik toqqaanissamut pisariaqartitsineq nalilerneqartarpoq.

Ajunngitsorsianut ataatsimiititaliap qulakkiissavaa allanngorartumik akissarsiat tunninneqarneri siulersuisut malittarisassaasat malissagaat, matuma ataani allanngorartumik akissarsianik allanik tunniussisoqassanngitsoq, ajunngitsorsianut politikkimik positiviusumik allassimanngitsunik. Peqatigitillugu ajunngitsorsianut ataatsimiititaliap qulakkiissavaa, aningaaseriviup akissarsisitsisariaasaa aningaaseriviup sulisullu ataasiakkaat soqutigisaanni akerleriinnermik nassataqassanngitsoq. Bonusit tunniunneqartut annerpaat, matuma ataani annertuumik aarlerinaateqartunik akuersisartunut bonusit, ajunngitsorsianut ataatsimiititaliamut saqqummiunneqartarput.

Ajunngitsorsianut politikkimik akuersineq, ukiumoortumik misissuineq aamma saqqummiussineq

Ajunngitsorsianut ataatsimiititaliap ukiumoortumik ajunngitsorsianut politikki misissortarpaa, kiisalu ajunngitsorsianut politikkimik atuuttumi allannguutaasinnaasunik siulersuisunut akuersissutigineqartussanngorlugit inassuteqartarluni.

Siulersuisut tamatuma saniatigut ajunngitsorsianut politikki ukiumut ataasiarlutik misissortassavaat, ajunngitsorsianut politikkip aningaaseriviup ineriartorneranut tulluussagassaanersoq siunertarlugu.

Ajunngitsorsianut politikki allannguutit siulersuisuni akuerineqareerpata ataatsimeersuarnermi akuersissutigineqartussat saqqummiunneqassapput, minnerpaamillu ukiut sisamakkaarlugit ajunngitsorsianut politikki ataatsimeersuarnermi akuersissutigineqartussat saqqummiunneqartassaaq.

Ajunngitsorsianut politikki aningaaseriviup nittartagaani saqqummiunneqassaaq.

Ajunngitsorsianut politikki malinnineq kiisalu malinneqarneranik nakkutiginninneq
GrønlandsBANKEN-ip siulersuisua ajunngitsorsianut politikkip naammassineqarnissaa akisussaaffigaat.

GrønlandsBANKEN-ip siulersuisui ajunngitsorsianut politikkip malinneqarneranik nakkutiginninnermut najoqqutassanik sukumiinerusunik aalajangersaasarpoq, ilaatigut ajunngitsorsianut politikkip malinneqarnera pillugu minnerpaamik ukiumut ataasiarluni nakkutilliisarnissamik qulakkeerinnittumik. Tamatuminna inernerusoq siulersuisunut nalunaarutigineqassaaq.

Nuuk, ulloq 5. februar 2024
Ajunngitsorsianut ataatsimiititaliaq

Gunnar í Liða
Siulittaasoq

Kristian Lennert
Siulittaasup tullia

Peter F. Rex
Siulersuisunut
ilaasortaq

Ajunngitsorsianut politikki Kalaallit Nunaanni malittarisassat atuuttut naapertorlugit suliarineqarpoq. Ajunngitsorsianut politikki ataatsimeersuarnermi 29.3.2022-mi ingerlanneqartumi suliarineqarlunilu akuersissutigineqarpoq.

Taasititsineri 1.057.116-t aktiat taasineri atuuttut tunniunneqarput aktiaatini 58,73%-iusut. Taasineri atuuttuni taasinerit 1.056.250-t akissarsianut politikkimut isumaqataapput, taasinerit 866-t akerliullutik.